



**Cyfarfod CYSAGau Cymru, yn
Neuadd y Sir Caerdydd
Dydd Mawrth, 26 Mawrth 2019
10.30a.m. – 3.00p.m.**

Yn bresennol

<p>Ynys Môn Rheinallt Thomas</p> <p>Blaenau Gwent Paula Webber (PW) Kathy Riddick (KD)</p> <p>Pen-y-bont ar Ogwr Edward J. Evans (EE) Maggie Turford (MT) Alice Parry (AP)</p> <p>Caerffili Paula Webber (PW) Janet Jones (JJ)</p> <p>Caerdydd Maggie Turford (MT) Gill James (GJ) Norma Mackai</p> <p>Sir Gaerfyrddin Helen Gibbon (HG)</p> <p>Ceredigion</p> <p>Conwy</p> <p>Sir Ddinbych Ellie Chard (EC)</p>	<p>Sir y Fflint</p> <p>Gwynedd</p> <p>Merthyr Tudful Maggie Turford (MT) Ernie Goldsworthy (EG)</p> <p>Sir Fynwy Paula Webber (PW)</p> <p>Castell-nedd Port Talbot Hugh James (HJ) Rachel Samuel (RS) Peter Rees (PR)</p> <p>Casnewydd Paula Webber (PW) Huw Stephens (HS)</p> <p>Sir Benfro</p> <p>Powys John Mitson (JM) Sian Fielding (SF)</p> <p>Rhondda Cynon Taf Maggie Turford (MT) Mathew Maidment (MM)</p>	<p>Abertawe Jennifer Harding -Richard (JHT) Alison Lewis (AL)</p> <p>Torfaen Paula Webber (PW)</p> <p>Bro Morgannwg Maggie Turford (MT) Ramez Delpak (RD)</p> <p>Wrecsam Libby Jones (LJ) Tania ap Sion (TaS)</p> <p>Sylwedyddion Rudolf Elliot Lockhart, REC Paul Morgan, MAGC Andrew Pearce, CBAC</p> <p>Cyflwynwyr Nicky Hagendyk, EAS</p> <p>Cofnodion Gill Vaisey (GV)</p>
---	--	--

Cofnodion y cyfarfod

1. Cyflwyniad a chroeso

Cyn y cyfarfod, mwynhaodd yr aelodau sioe sleidiau gan Ysgol Gynradd Moorland, Caerdydd, oedd yn dangos lluniau o agweddau o'u harfer da.

Croesawyd pawb i Neuadd y Sir, Caerdydd ac i'r Awdurdod Lleol gan y Cynghorydd Dianne Rees, Arglwydd Faer Caerdydd. Soniodd am bopeth sydd gan Gaerdydd i'w ddathlu ac am ei rhan hi fel cyn aelod o GYSAG Caerdydd.

Estynnwyd croeso i Gaerdydd hefyd gan Gadeirydd CYSAG Caerdydd, y Cynghorydd Sarah Merry. Siaradodd am ei phrofiad o fod yn aelod o CYSAG fel Cynghorydd Sir a sut nad oedd hi'n sicr i ddechrau beth roedd CYSAG yn ei olygu. Ond mae ei phrofiad wedi dangos iddi bwysigrwydd addysg grefyddol a chred y dylai CYSAGau fod yn ystyrlon yn cefnogi plant o nifer o wahanol grefyddau, a rhai di-grefydd, o fewn y gymuned.

2. Adfyfrio tawel

Rhannodd EE ei feddyliau am y sefyllfa echrydus yn Seland Newydd – ffydd neu ddim ffydd – roedd hyn yn dangos annynoldeb gweithredoedd rhywun tuag at grŵp o bobl eraill.

Cyfeiriodd at y gyfrol *50 Five-Minute Tales* – straeon y mae wedi'u defnyddio i Addoli ar y Cyd mewn ysgolion.

Y Corrach a'r Dylwythen Deg - corrach swil oedd â chlustiau mawr yr oedd y dylwythen deg yn chwerthin am ei ben. Fodd bynnag, dangosodd y corrach garedigrwydd mawr ati. Diben y stori oedd dangos na ddylai pobl gael eu barnu oherwydd eu hymddangosiad allanol, neu ddim ond am eu bod yn wahanol, e.e. lliw, ymddangosiad, credoau, gwleidyddiaeth ayb, ond cydnabod ei gilydd fel bodau dynol.

Gwahoddodd EE yr aelodau i fyfrio ar greu gwell byd i fyw ynddo.

3. Ymddiheuriadau

Derbyniwyd ymddiheuriadau gan Meirig Roberts (Llywodraeth Cymru), Cyng Lacey (CYSAG Casnewydd), Cyng Lyndon Lloyd (Ceredigion), Vicky Barlow (Sir y Fflint), Michelle Gosney (Estyn) a Tudor Thomas (sydd wedi ymddiswyddo fel cadeirydd MAGC ond sy'n dal i fod yn aelod o GYSAG Sir Fynwy).

4. Cyflwyniad PYCAG: Nicky Hagendyk – Maes Dysgu a Phrofiad y Dyniaethau

Nicky Hagendyk yw Cadeirydd Maes Dysgu a Phrofiad y Dyniaethau.

Siaradodd am y diwygiadau ehangach ochr yn ochr â diwygio'r cwricwlwm. Pwysleisiodd fod profiad yn agwedd bwysig o'r cwricwlwm newydd hwn. Mae'n broses sy'n cael ei chefnogi gan y Pedwar Diben y dylid eu cyrraedd erbyn diwedd addysg ysgol.

Tynnodd sylw at y pynciau newydd ar y cwricwlwm o fewn Maes Dysgu a Phrofiad y Dyniaethau – astudiaethau busnes ac astudiaethau cymdeithasol. Ymarferwyr sydd wrthi'n ysgrifennu'r cwricwlwm newydd ac maent wedi mabwysiadu dull holistig gyda'r 'datganiadau o'r Hyn sy'n Bwysig' wrth graidd y cyfan.

Maent yn ceisio cael cydbwysedd rhwng dull holistig rhyngddisgyblaethol a chadw integriti pob pwnc arbenigol.

Mae'r cwricwlwm newydd yn debygol o fod yn llai cyfarwyddol ac yn cynnig mwy o ymreolaeth i ysgolion. Y tu ôl i'r Pedwar Diben bydd cysyniadau, gwybodaeth a sgiliau.

Caiff ei gyhoeddi ym mis Ebrill 2019 i gael adborth gan athrawon a rhanddeiliaid eraill. Bydd cynnwys 'Beth sy'n Bwysig' yn rhan o'r ymgynghoriad. Eglurodd Nicky bob un o'r pum datganiad o'r hyn sy'n bwysig yn y Dyniaethau.

1. Mae datblygu meddwl chwilfrydig yn galluogi'r dysgwyr i archwilio ac ymchwilio i'r byd, yn y gorffennol, presennol a'r dyfodol, drostynt eu hunain.
2. Mae digwyddiadau a phrofiadau dynol yn gymhleth ac yn cael eu gweld, eu dehongli a'u cynrychioli mewn ffyrdd gwahanol.
3. Mae'r byd naturiol yn amrywiol a deinamig, ac mae prosesau ffisegol a gweithredoedd dynol yn dylanwadu arno.
4. Mae cymdeithasau dynol yn gymhleth ac amrywiol ac mae ymddygiad a chredoau dynol wedi eu siapio.
5. Dinasyddion gwybodus a hunanymwybodol yn ymgysylltu â'r heriau a'r cyfleoedd sy'n wynebu'r ddynoliaeth ac yn gallu cymryd camau moesegol a chynaliadwy.

Ni ddylid ystyried pob datganiad ar ei ben ei hun – gallai uned waith fod yn gysylltiedig â dau neu dri o'r datganiadau.

Gall pob un o'r pynciau yn y dyniaethau gael eu harchwilio drwy unrhyw un o'r datganiadau o'r hyn sy'n bwysig.

Yn ganolog i'r cwricwlwm mae dilyniant o safbwynt gwybodaeth, dealltwriaeth gysyniadol, y gallu i weithio gyda ffynonellau, ayb.

Cafwyd mewnbwn gan arbenigwyr ac ymgynghorwyd yn genedlaethol ac yn rhyngwladol.

Bydd y cwricwlwm yn cael ei gyhoeddi ar 30 Ebrill ar gyfer ymgynghoriad ac adborth. Amserlen yr ymgynghoriad fydd o Ebrill 30 tan ddechrau Medi.

Mewn ymateb i'r cwestiynau a godwyd, dywedodd Nicky fod athrawon o bob rhan o Gymru wedi cymryd rhan mewn ysgrifennu'r cwricwlwm ehangach ac y byddant hefyd yn cymryd rhan mewn ysgrifennu'r Fframwaith AG.

Ystyriwyd cwricwlwm Lloegr hefyd yn ogystal â meysydd llafur o wledydd eraill.

Holodd yr aelodau am y gost o gyflwyno'r newidiadau hyn mewn ysgolion. Awgrymodd un aelod fod yn rhaid i Lywodraeth Cymru roi cyllid yn ei le er mwyn cefnogi gweithredu'r cwricwlwm newydd yn llawn.

Bydd y cwricwlwm terfynol yn cael ei gyhoeddi ym mis Ionawr 2020 ac felly bydd hyfforddiant yn dilyn wedi i'r cwricwlwm gael ei gytuno arno a'i ffurfio'n derfynol.

Mae angen ystyried sut bydd CCYSAGauC yn rheoli ei adborth ar yr ymgynghoriad. A ddylai'r Pwyllgor Gwaith ymateb ar ran CCYSAGauC neu a ddylid sefydlu gweithgor o aelodau CCYAGauC?

Gweithredu: Y Pwyllgor Gwaith i lunio ymateb i'r drafft ar ran CCYSAGauC

5. Arolwg Tynnu yn ôl o Addysg Grefyddol

Cyfeiriodd PW at ganlyniadau'r holiadur am dynnu disgyblion yn ôl o AG ac edrychodd ar y canfyddiadau.

Gallai'r wybodaeth hon fod yn sail i drafodaethau ac i ymateb CCYSAGauC i gwestiwn Papur Gwyn LIC ynghylch a ddylid cael gwared ar yr hawl i dynnu'n ôl.

Adroddodd GV ei bod hi'n pryderu am rai o ganfyddiadau'r arolwg.

I ddechrau, mae'n awgrymu fod rhai ysgolion yn dal ddim yn gwneud y gwahaniaeth rhwng Addoli ar y Cyd ac AG. Roedd yr arolwg wedi cyfeirio'n benodol at AG ar y cwricwlwm yn unig ac eto roedd rhai ymatebion yn cyfeirio at Addoli ar y Cyd.

Yn ogystal, roedd tystiolaeth o ddiffyg dealltwriaeth am wir natur Addysg Grefyddol ar y cwricwlwm - mewn rhai achosion roedd yr ymatebion yn cyfeirio at dynnu disgyblion yn ôl o weddi a chanu emynau a hefyd ymweld ag eglwys i gymryd rhan mewn dathliadau - ond ni ddylai'r un o'r rhain fod yn digwydd mewn AG seiliedig ar y cwricwlwm.

Roedd GV yn pryderu hefyd am nifer y rhieni (12) oedd yn tynnu eu plant yn ôl yn rhannol rhag dysgu am Islam. Mae hyn yn awgrymu rhagfarn yn erbyn y grefydd arbennig honno. Awgrymodd HS ei bod yn hanfodol, pan mae'r cwricwlwm newydd yn cael ei lunio, ei fod yn hybu AG wrthrychol, feirniadol a lluoseddol er mwyn sicrhau nad yw rhieni'n teimlo'r angen i dynnu eu plant yn ôl.

Rhannodd RL ei syniadau am y posibilrwydd o her gyfreithiol – os yw rhywun o ffydd arbennig wedi bod â rhan mewn datblygu'r cwricwlwm, yna gellid ystyried na allai'r cwricwlwm hwnnw fod yn wrthrychol. Yn yr un modd, os oes gan athro gefndir ffydd, gellid awgrymu nad ydynt yn gallu bod yn wrthrychol yn eu haddysgu.

Gweithredu: awgrymu i'r CYSAGau eu bod yn edrych ar eu canfyddiadau lleol o'r arolwg ac yn cymryd unrhyw gamau priodol.

(Dywedodd GV fod rhai CYSAGau wedi coladu eu canlyniadau eu hunain tra bod eraill wedi anfon ymatebion gan ysgolion unigol ac felly roedd hi wedi coladu'r rhain a bydd y manylion yn cael eu hanfon i'r CYSAGau hynny).

6. Ystyried ac ymateb i bapur gwyn y Llywodraeth

Aeth EE trwy'r papur a'r cynigion.

Cyflwynwyd ymateb Pwyllgor Gwaith CCYSAGauC ac fe'i rhannwyd â'r aelodau. Nodwyd nad oeddent wedi dod i gasgliad am gael gwared ar yr hawl i dynnu'n ôl o AG.

Cyflwynwyd ymateb PYCAG ac fe'i rhannwyd â'r aelodau. Nododd LJ fod ymateb PYCAG yn wahanol mewn rhai agweddau i ymateb CCYSAGauC. Byddai PYCAG yn dymuno cael gwared ar yr hawl i dynnu'n ôl ond mae'n ategu'r angen felly am roi hyfforddiant yn ei le i sicrhau fod pob athro ac ysgol yn gwneud yn siŵr fod eu haddysgu a'u darpariaeth yn wrthrychol.

Mae PYCAG yn awgrymu hefyd y dylid cadw AG yn y chweched dosbarth ac y dylai colegau orfod darparu AG hefyd.

Cred HS fod disgyblion 16 – 19 oed angen cael addysg grefyddol yng ngoleuni materion ac agweddau'r byd sydd ohoni.

Awgrymodd KR, os yw athrawon yn dysgu AG cwbl addysgol a gwrthrychol, yna nad oes angen yr hawl i dynnu'n ôl, fodd bynnag, os yw AG yn enwadol ac yn seiliedig ar ffydd, yna mae'r angen i dynnu'n ôl yno.

Awgrymodd PW fod angen i ni sicrhau fod y ddarpariaeth fel y dylai fod ac yna nid oes reswm dros gael hawl i dynnu'n ôl.

Nododd GV fod angen gwahaniaethu rhwng AG y Maes Llafur Cytûn ac AG seiliedig ar ffydd ac roedd hi'n ategu'r pwynt a wnaed gan KR.

Awgrymwyd y dylem gymryd y safbwynt ein bod yn cymryd ac yn disgwyl fod AG yn cael ei dysgu'n briodol ac yn atgyfnerthu'r disgwyliad hwn.

Roedd ymateb RT yn nes at farn PYCAG nag un CCYSAGauC. Cred ef fod yn rhaid i ni sicrhau fod AG yn addas i bawb ac mae angen i ni gael hyder yn ein hathrawon y byddant yn dysgu'r pwnc mewn modd proffesiynol. Roedd ef hefyd yn credu bod angen i fyfyrwr chweched dosbarth gael AG.

Ailadroddodd HS yr angen i herio Awdurdodau Lleol ar ddiffyg gwasanaethau cynghori proffesiynol i gefnogi AG.

Dywedodd RL mae'r hyn oedd yn ei boeni ef oedd y Confensiwn Ewropeaidd ar Hawliau Dynol. Nid yw'n meddwl fod achos wedi bod lle cafwyd nad yw'r AG yn wrthrychol a lluseddol ac felly os ceir gwared â'r hawl i dynnu'n ôl, gallai hyn arwain at gyfres o achosion yn mynd i'r llys.

Fel 'pôl gwelltyn' (nid pleidlais swyddogol ar ran CYSAGau), roedd pawb yn yr ystafell yn unfrydol o blaid cael gwared ar yr hawl i dynnu'n ôl o AG.

Cafwyd cefnogaeth unfrydol hefyd dros wneud AG yn statudol i blant meithrin o 3 oed.

Ymateb cymysg a gafwyd i dynnu AG o'r chweched dosbarth.

Diolchodd CCYSAGauC i aelodau Pwyllgor Gwaith CCYSAGauC ac i aelodau PYCAG am gyflwyno'u hymatebion.

Gweithredu: PW i anfon ymateb ychwanegol i Lywodraeth Cymru yn cadarnhau'r ymateb a wnaed gan y Pwyllgor Gwaith ac yn ychwanegu sylwadau pellach ar farn y rheiny oedd yn bresennol yn y cyfarfod.

7. Diweddariad ar Fframwaith Cefnogi AG

Adroddodd LJ fod LIC wedi rhoi cyllid llawn i grŵp i gynnal cyfarfodydd rheolaidd er mwyn datblygu Fframwaith Cefnogi i eistedd ochr yn ochr â'r cwricwlwm newydd. Mae'r grŵp yn cynnwys athrawon AG, athrawon o Ysgolion Arloesi, aelodau PYCAG, CCYSAGauC, REC, CBAC, ac Estyn. Maent yn cynrychioli pob ardal yng Nghymru a phob ystod oed ynghyd â chyfrwng Cymraeg a Saesneg.

Gan nad ydym yn gwybod eto a fydd yr hawl i dynnu'n ôl o AG yn cael ei dynnu, mae angen i'r Fframwaith gael ei ysgrifennu fel bod AG yn cael ei nodi'n amlwg.

Gobeithir y bydd drafft yn cael ei gyhoeddi erbyn mis Ionawr 2020. Mae angen iddo fod yn barod erbyn Gorffennaf er mwyn iddo gael ei gyfieithu a mynd i ymgynghoriad cychwynol.

Adroddodd PW ar y meddylfryd y tu ôl i gynhyrchu'r Fframwaith AG a sut y gallai edrych fel ychwanegiad i'r datganiadau Beth sy'n Bwysig ar y cwricwlwm. Yna mae'n bosibl y gallai'r Fframwaith hwn gael ei fabwysiadu gan bob Awdurdod Lleol fel eu Maes Llafur Cytûn.

Awgrymodd RT y dylai'r Fframwaith AG gael ei ysgrifennu mewn modd sy'n hygyrch i'r rhai heb fod yn addysgwyr ac y dylai gael ei dderbyn a'i fabwysiadu gan Gynadleddau Maes Llafur Cytûn.

8. Cymorth AG Proffesiynol i GYSAGau

Adroddodd EE fod ymateb wedi'i dderbyn bellach gan Kirsty Williams i'r llythyr a anfonodd CCYSAGauC ati ynglŷn â Chymorth AG Proffesiynol ac adolygu Cylchlythyr 10/94.

Adroddodd LJ am y sefyllfa argyfyngus o ran diffyg cefnogaeth AG arbenigol i GYSAGau gan fod pum arbenigwr wedi'u tynnu o'u swyddi mewn cyfnod byr o amser. Nodwyd mai dim ond LJ a PW sydd ar ôl fel cynghorwyr arbenigol mewn AG.

Atgoffodd LJ yr aelodau fod PYCAG a CCYSAGauC wedi ysgrifennu at y Cyfarwyddwyr Addysg i ofyn am wybodaeth ar bwy sy'n darparu eu cymorth proffesiynol i GYSAGau.

Roedd yr atebion yn amrywiol fel yn ôl cofnodion y cyfarfod diwethaf. Roedd LJ a PW wedi cyfarfod â'r 22 Cyfarwyddwr Addysg ac wedi'u hatgoffa am eu dyletswyddau cyfreithiol o safbwynt AG a ChYSAGau ac wedi tynnu eu sylw at y cymorth arbenigol amrywiol ar draws Cymru. Gwnaed y pwynt fod anghysondeb cymorth arbenigol yn annheg gan ei fod yn effeithio ar y disgyblion sydd ar ddiwedd y broses. Tynnwyd sylw at yr angen am gymorth dysgu proffesiynol ac mae hyn yn golygu fod angen cymorth AG arbenigol i ALLau a ChYSAGau.

Fe gyflwynon nhw hefyd swyddogaethau a chyfrifoldebau / enghraifft o swydd ddisgrifiad cynghorydd CYSAG er mwyn sicrhau fod y Cyfarwyddwyr yn sylweddoli hyd a lled y rôl gan dynnu sylw at y ffaith na all athro llawn amser, er enghraifft, fyth ysgwyddo'r gwaith ychwanegol hwn.

Gofynnwyd i'r Cyfarwyddwyr holi a chanfod pwy sy'n rhoi cefnogaeth – ai'r Awdurdod Lleol neu'r Consortiwm. Mae angen iddynt ystyried cael cynghorwyr AG arbenigol i gefnogi eu CYSAGau. Roedd y 22 Gyfarwyddwr yn barod iawn i gymryd rhan yn y sgwrs gyda LJ a PW a / neu fynd â'r neges yn ôl i'w consortia.

Nododd RT fod yna arbenigwyr AG ar gael ond nad ydynt yn cael eu defnyddio gan eu Hawdurdodau Lleol i gefnogi AG a ChYSAGau e.e. Bethan James a Phil Lord yn GwE a Cary Thomas yn CSC ynghyd â Gill Vaisey sydd yn ymgynghorydd arbenigol.

Gweithredu: LJ a PW i barhau i siarad â'r Cyfarwyddwyr ac adrodd yn ôl i CCYSAGauC.

9. Dysgu Proffesiynol i AG

Bu PW a LJ mewn cyfarfod gyda Kevin Palmer i drafod y cymorth dysgu proffesiynol sydd ei angen yng ngoleuni AG a'r cwricwlwm newydd. Maent wedi cael eu gwahodd i gynhyrchu dogfen fydd yn amlinellu'r meysydd hyfforddiant fydd eu hangen i gefnogi gweithredu'r cwricwlwm newydd. Bydd PYCAG yn ystyried hwn ac yn cyflwyno papur i KP.

10. Diweddariadau:

1. Adroddodd LJ fod presenoldeb da yn PYCAG y diwrnod cynt gyda thri ar ddeg o aelodau. Amlinellodd yr eitemau ar yr agenda.

2. REC – Adroddodd RL fod y Cyngor wedi ymateb i'r Papur Gwyn. Dywedodd fod diddordeb parhaus gan y Llywodraeth a San Steffan yn Adroddiad y Comisiwn ar Addysg Grefyddol ond nad oes dim yn digwydd ar hyn o bryd.

Bydd etholiadau i aelodau'r bwrdd ymuno â'r REC yn digwydd ar 16 Mai. Mae dwy sedd ar gael. Mae enwebiadau'n gymwys gan gynrychiolwyr awdurdodedig ac mae angen eu derbyn fis ymlaen llaw. Bydd yr ymgeiswyr llwyddiannus yn gwasanaethu am dymor o dair blynedd o 1 Medi, 2019.

Tania, Paula a Gill yw cynrychiolwyr enwebedig CCYSAGauC ar y REC.

3. Cynhadledd EFTRE Dulyn

Adroddodd GV y bydd Cynhadledd y Fforwm Ewropeaidd i Athrawon AG yn cael ei chynnal yn Nulyn ar 28 – 31 Awst, 2019 ac mae croeso i unrhyw un fynychu. Bydd GV yn mynd yno ar ran CCYSAGauC fel eu cynrychiolydd. Mae cynhadledd estyniad yn Belfast o 31 Awst – 2 Medi. Anfonwyd manylion at bob Clerc CYSAG.

4. MAGC

Mae Paul Morgan bellach yn mynychu CCYSAGauC yn lle Tudor Thomas. Mae dyfodol MAGC yn ansicr o ganlyniad i ddiffyg aelodau a hefyd cyllid. Cynhelir trafodaeth ym mis Ebrill a fydd yn edrych ar tybed a oes cyfle i ailadeiladu a chreu mudiad i'r rheiny sydd â diddordeb mewn AG ond nad ydynt yn gymwys i fynychu cyfarfodydd megis CCYSAGauC.

5. AREIAC 1 a 2 Gorffennaf

Adroddodd GV fod y Gymdeithas Cyngorwyr, Arolygwyr, ac Ymgynghorwyr AG yn cynnal ei chynhadledd haf yn y Village Hotel, Hyde, ger Manceinion ar 1 a 2 Gorffennaf. Teitl a thema'r gynhadledd yw *RE Leadership in a New World*. Gwahoddir pawb sydd â diddordeb mewn AG a dylent gysylltu â Gill Vaisey sydd yn trefnu'r gynhadledd.

Gweithredu: Anfonir y manylion i Glercod CYSAG.

11. Gwefan CCYSAGauC

Soniodd EE am y problemau sydd gan y wefan ar hyn o bryd a siaradodd am y posibilrwydd o gael gwefan newydd wedi'i chreu.

Gofynnodd EE i'r aelodau feddwl am yr hyn sydd ei angen ar wefan CCYSAGauC.

Adroddodd fod y Pwyllgor Gwaith wedi derbyn sawl pris am "becyn" ar gyfer adeiladu a chynnal gwefan newydd. Roedd y Pwyllgor Gwaith wedi cytuno i argymhell i'r cyfarfod llawn eu bod yn derbyn pris o £1100 am "adeiladu a chontract tair blynedd". Amlinellodd yr hyn oedd yn gynwysedig yn y cynnig hwn.

Yn ei rôl fel swyddog y wefan ar ran y Pwyllgor Gwaith, mae KR wedi ymchwilio i'r gwahanol bosibiliadau ac mae'r uchod yn fanteisiol o ran costau.

Gweithredu: Cytunodd yr aelodau i gefnogi creu gwefan newydd.

12. Adroddiad Cyfarfod y Pwyllgor Gwaith a gynhaliwyd 6 Chwefror 2019

Rhododd EE adroddiad llafar o gyfarfod y Pwyllgor Gwaith, roedd y rhan fwyaf o'r pwyntiau eisoes wedi cael eu trafod yn y cyfarfod hwn.

13. Y CYSAG effeithiol

Cyfeiriodd PW at gyflwyniad o'r gorffennol oedd wedi'i seilio ar wneud CYSAG effeithiol ac awgrymodd y dylem ddychwelyd at hwn eto. Mae CYSAG Caerffili yn bwriadu cyfethol dau aelod ieuenctid er mwyn clywed llais y disgyblion. Dyma un enghraifft o arfer da y gellid ei rannu.

Gweithredu: Rhoi hwn ar agenda cyfarfod yn y dyfodol - hydref 2019.

14. Cofnodion y cyfarfod a gynhaliwyd yn Llanilltud Fawr ar 20 Tachwedd 2018

Derbyniwyd y cofnodion fel cofnod cywir o'r cyfarfod yn amodol ar y canlynol:
Ychwanegu Huw Stevens at y rhai oedd yn bresennol. Cywiro sillafu - Helen Bebb
Tudalen 16 cywiro sillafu - Alwen Roberts, Ceredigion.

15. Materion yn codi

Dim

16. Gohebiaeth

Etholiadau REC

Taflen cynhadledd EFTRE

Rhwydwaith Rhyng-ffydd yn sôn am ymosodiad Seland Newydd

CYSAG Bro Morgannwg yn gofyn a allai dau athro rannu sedd ar y pwyllgor gwaith a mynychu cyfarfodydd yn eu tro. Yn dilyn trafodaeth, nodwyd nad oes dim yng Nghyfansoddiad CCYSAGauC a fyddai'n atal trefniant o'r fath ac felly cytunwyd i dderbyn y cynnig hwn.

17. Dangos a dweud

Nis trafodwyd.

18. Unrhyw fater arall

Dywedodd EE wrth yr aelodau am achos a ddigwyddodd cyn dechrau'r cyfarfod. Roedd aelod o'r cyhoedd (a oedd wedi bod ar bwylgor CYSAG o'r blaen ond ddim mwyach yn aelod o'r pwyllgor hwnnw) wedi cyrraedd Neuadd y Sir yn disgwyl dod i gyfarfod CCYSAGAuC. Dywedodd fod dau o'i chydweithwyr yn y Cyngor Sir oedd yn eistedd ar GYSAG Sir Fynwy wedi gofyn iddi eu cynrychioli nhw gan na allent fod yn bresennol. Dywedwyd wrthi nad yw cyfarfodydd CCYSAGauC yn agored i'r cyhoedd ac felly nid oedd hawl ganddi i fod yn bresennol. Dywedodd yr unigolyn dan sylw y byddai'n gwneud cwyn yn erbyn EE a PW, y ddau oedd wedi esbonio nad oedd ganddi hawl i fynychu cyfarfod CCYSAGauC.

Dywedodd EE wrth yr aelodau ei bod yn amhriodol i aelodau CYSAG weithredu fel unigolion ac yn yr achos hwn, roedd gofyn i rywun nad yw'n aelod o'u CYSAG gymryd eu lle, yn anghywir. Atgoffodd EE yr aelodau, pan maent yn mynychu CCYSAGauC, eu bod yn gwneud hynny fel cynrychiolwyr eu CYSAG nhw ac nid fel unigolion.

Mynegodd yr aelodau a oedd yn bresennol eu cefnogaeth lawn i'r cyngor a roddwyd i'r unigolyn dan sylw gan EE a PW. Roedden nhw hefyd yn cytuno'n llwyr fod aelodau sy'n mynychu cyfarfodydd CCYSAGauC yn cynrychioli eu CYSAG ac nid nhw'u hunain.

19. Dyddiad y cyfarfod nesaf: Haf 2019 – Conwy 28 Mehefin 2019

Diolchodd EE i bawb oedd wedi cymryd rhan yn y cyfarfod gyda diolch arbennig i:

Arglwydd Faer Caerdydd; Cyng Sarah Merry, Cadeirydd CYSAG Caerdydd; Louise Broom, Clerc, CYSAG Caerdydd; Maggie Turford, Cymorth Proffesiynol i GYSAG Caerdydd; Nicky Hagendyk, Cyflwynydd, Arweinydd Rhanbarthol EAS dros Faes Dysgu a Phrofiad y Dyniaethau; Alaw Hughes, Cyfieithydd; aelodau CYSAG Caerdydd a'r Cynghorwyr Sir.

